

Caminda di Cruz

1.
N os ta adora Bo Cristo
Y nos ta bendishono Bo.
Pasobra Bo a salba mundo
Pa Bo santa Cruz.

Cristo ta condena na morto

Esun cu nunca a condena ningun
hende, awor a keda condena.
Crusifike, matE! Nan a grita contra
esun cu a bin pa trese bida.
Pilato ta laba man di sanger
inosente, firmando decreto di
condenashon.

Señor
Ata atrobe bida ta keda rechasa pa
hende, condena na morto for di
promé
instantenan di su existencia.
Gobernantenan ta legalisa crimen,
mundo ta laba man. Tene piedad!

Dios, tene misericordia !
Di nos pover picador
Ai, un spada ta hinklele
Violento y sin duele
Den su curason ansha.

8.
Nos ta adora Bo Cristo
Y nos ta bendishono Bo.
Pasobra Bo a salba mundo
Pa Bo santa Cruz.

Muhernan ta yora Cristo

Bienaventurado esnan cu ta yora,
pasobra nan lo haña consuelo.
Muhernan ta yora. Pero Cristo no tin
mester di lagriman di compashon. Ta
p'esei El a bisa nan: No yora Mi.
Cristo ta spera lagriman, pero
lagriman di combershon.

Señor
Mundo ta yora. Pero bo no por
consol' e otro, sino: No yora di miedo
so, di tragedia so. Yora boso mes,
boso pica boso maldad.
Bienaventurado esnan cu ta yora
asina.

Dios, tene misericordia !
Di nos pover picador
Mama di amor dibino,
Hasi pa mi pone tino
Ki pisa ta bo doló

2.
N os ta adora Bo Cristo
Y nos ta bendishono Bo.
Pasobra Bo a salba mundo
Pa Bo santa Cruz.

Cristo ta carga cruz

E cruz tabata horibel. Tur pica di
mundo den dje. Esnan di y esnan di
bo. Bini serca Mi y lo mi alivia
boso, Hesus a bisa. Ata e prijs di su
donashon: pa alivia nos cruz, E mes
a tum'e.

Señor
Ata nos, Bo dilanti, cu nos cruz.
Nos cruz ta mas horibel ainda. Un
cruz bofon, pisa di egoismo,
violencia, libertinahe. Pa no tuma
Bo yugo, mundo tin cu carga un
cruz - bofon. Tene piedad!

Dios, tene misericordia !
Di nos pover picador
Esta tristu su mirada,
Mama sin por hasi nada
Pa su yiu, su unico.

9.
Nos ta adora Bo Cristo
Y nos ta bendishono Bo.
Pasobra Bo a salba mundo
Pa Bo santa Cruz.

Cristo atrobe a cai

Un biaha mas den stof di tera. Aki
no tin nada di gloria of mahestad.
Cristo a laga su derecho di ta igual
na Dios un banda y a tuma
condishon di hende. Anto
condishon di hende ta: caida tras
caida. Por ta cu nan a pensa cu el a
muri caba. Pero ata! E ta lanta!
Amor ta wanta tur cos!

Señor, No laga nos keda den stof di
nos debilidad, indiferencia,
mediocridad. Hasi nos rudianan
temblososo recupera nan forsa, nos
alma, speransa y nos curazon,
amor. Tene piedad!

Dios, tene misericordia !
Di nos pover picador
Hasi mi alma mas ardiente,
Complace constantemente
Cu Hesus den fiel amor.

3.
N os ta adora Bo Cristo
Y nos ta bendishono Bo.
Pasobra Bo a salba mundo
Pa Bo santa Cruz.

Cristo ta cai bou di cruz

Pa Hesus tambe e cruz tabata pisa
y e tabata un bofon. Su mannan
tabata custuma bendishona, cura
enfermonan, habri wowonan di
cieguman, parti pan . Su mannan
tabata poderoso pa calma furia di
laman, pero a resulta debil bou di
cruz .

Brasanan di Hesus no ta
custumbra di carga un cruz pa
malechor. A cai. E no a spera, cu
t'asina nan lo paga su amor.

Señor
Ata nos tambe riba suela.
Humanidad a cai. Balornan cu Bo
a siña. ta den stof di tera. Duna
man ! Tene piedad !

Dios, tene misericordia !
Di nos pover picador
Weta e mama piadoso,
Mir'e yora doloroso
Sufrimentu di si yiu.

10.
Nos ta adora Bo Cristo
Y nos ta bendishono Bo.
Pasobra Bo a salba mundo
Pa Bo santa Cruz.

Hesus sin paña

Esun cu a bisti flornan di cucucu cu
colo presioso, Esun cu ta dorna
shelu cu streanan y tera cu
yerbanan, a keda sunu. Sin nada. E
unico cos cu ainda e tin, ta su
sanger, cu lo core for di cruz te
ultimo gota.

Señor, Ta un drama di entrega tur
cos, sin keda cu nada. Pero un
drama pio ta: reserva tur cos, sin
duna nada. Ata nos drama di awe.
Egoismo a desnuda mundo di su
dignidad. Señor sunu, pa motibo di
duna, mira nos, sunu, pa motibo di
tuma.
Tene piedad!

Dios, tene misericordia !
Di nos pover picador
Mama Santa y kerida,
Primi Cristo su herida

4.
N os ta adora Bo Cristo
Y nos ta bendishono Bo.
Pasobra Bo a salba mundo
Pa Bo santa Cruz.

Cristo ta topa cu mama

Yiu y mama riba e mesun caminda.
Caminda di calvario. Yiu, bou di
cruz, y mama cu cruz den curazon.
Nan wowonan a topa y nan doló a
bira mas grandi. Nada mas tragico
pa un mama, cu mira morto di si
yiu. Nada mas tragico pa yiu, cu a
muri dilanti di wowonan di su
mama.

Señor, ata e wowonan di tantu
mamanan, mirando agonía di nan
yiunan riba cayanan di mundo. Ata
e yiunan buscando for di djaleu
apoyo den wowonan di nan
mamanan. Laga nan topa cu otro.
Tene piedad !

Dios, tene misericordia !
Di nos pover picador
Ken ta hende cu n'ta yora
Cu e mama den tal ora
Di ferditir y emoshon ?

11.
Nos ta adora Bo Cristo
Y nos ta bendishono Bo.
Pasobra Bo a salba mundo
Pa Bo santa Cruz.

Hesus claba riba cruz

Ki bunita riba seru e pia di
mensahero di paz! Dorna cu clabo y
sanger. Y su brasanan hanchu habri,
den gesto di un tata cu ta spera su
yiu, of un amigo cu ta sali na
encuentro. Cruz y clabunan a habri
brasanan di Salbador pa semper.

Señor, Duna nos fe pa compronde
cu sufrimentu y cruz tin nan
sentido. Por ta cu solamente cruz
por habri mundo su mannan asina
bon sera den egoismo y odio. Habri
nos mannan pa otro, aunque sea ku
forsa di clabunan di sufrimento.
Tene Piedad !

Dios, tene misericordia !
Di nos pover picador
"Na mi parti den su bida,
Den su pena, su herida
Pa mi muestra compashon.

5.
N os ta adora Bo Cristo
Y nos ta bendishono Bo.
Pasobra Bo a salba mundo
Pa Bo santa Cruz.

Simon ta yuda Hesus

E cruz tabata asina pisa, e caminda
asina largu y e seru asina haltu, cu
Hesus so, no tabata por mas. Un
tal Simon a dunE un man. Dios tin
mester di man di hende pa duna
mundo salbashon, paz y amor.

Señor
Corda cu un dia, un di nos, un tal
Simon a yuda bo carga cruz. Awor
nos mester di Bo man. Duna nos
forsa pa carga cu peso di cruz dia
pa dia. Tene piedad !

Dios, tene misericordia !
Di nos pover picador
Ken por keda sin mustrele
Kompashon or'e mirele
Yora Cristo su pashon ?

12.
Nos ta adora Bo Cristo
Y nos ta bendishono Bo.
Pasobra Bo a salba mundo
Pa Bo santa Cruz.

Morto di Hesus

Teribel momentonan di agonía. Te
shelo a bira scur pa no mira con
hende ta mata e BIDA. Buta
meimei di shelo y tera, manera
dilanti di tribunal di Dios, Cristo ta
paga e debe di mundo. Nos debe
tabata: morto. Ata. El a clab'e riba
cruz y a cansel'e.

Señor, Mira con nos ta lucha pa
salba nos bida, sin compronde
ainda, cu no tin otro manera di
salb'e, sino muriendo pa otro.
Laga nos curazon stima sin tene
miedo di muri, pa e por biba. Tene
piedad!

Dios, tene misericordia !
Di nos pover picador
Birgen Santa, no nenga mi,
Pa companjo acepta mi
Den tristesa di Señor

6.
N os ta adora Bo Cristo
Y nos ta bendishono Bo.
Pasobra Bo a salba mundo
Pa Bo santa Cruz.

Veronica y Hesus

Hesus su cara a bira horibel.
Sanger, stof, heridanen. E autor di
bunitesa ta desfigura asina tantu, cu
no ta pars'e ni hende mes. Su
wowonan a bira scur, aunque e ta
Lus di mundo. Su pianan ta
trompeca riba piedra, aunque E mes
ta e caminda. Veronica, un alma
limpi manera paña blancu, a yuda
Bo, mira sentido di e caminda ei.

Señor, Ata nos mundo. Bo a hasie
bunita, den harmonia, den
comunion. Pero mundo su cara a
bira horibel. Limpia cara di mundo.
Tene piedad !

Dios, tene misericordia !
Di nos pover picador
E ta mira Hesus pasiente,
Mal sutu y sufriente
Pa su pueblo obstina.

13.
Nos ta adora Bo Cristo
Y nos ta bendishono Bo.
Pasobra Bo a salba mundo
Pa Bo santa Cruz.

Curpa di Hesus

Nan ta bahando curpa di Hesus for
di cruz. E curpa, cu lo bira pida
pan pa duna humanidad bida. Esun
cu come Mi carni lo biba
eternamente. For di cruz
directamente riba alta pa bira
disponibel pa tur generashon.

Señor
Ata miembronan di Bo curpa, bo
dilanti. Hasi nos bira obediente ta
na morto y disponibel na Dios y na
nos ruman. Hasi nos bira digno di
Bo curpa. Tene piedad !

Dios, tene misericordia !
Di nos pover picador
Cristo, na mi despedida
Pa bo Mama, 'na mi bida,
Premio di victoria.

7.
Nos ta adora Bo Cristo
Y nos ta bendishono Bo.
Pasobra Bo a salba mundo
Pa Bo santa Cruz.

Hesus a bolbe cai

Atrobe riba suela. Ta parse un bichi
y no un hende. Esun cu a bisa:
Lanta para, na paralitico y na
Lazaro, awor a cai. Cu cada paso
su cruz ta mas pisa. Aña pa aña,
generashon pa generashon su cruz
ta bira mas pisa. Su caminda a bira
un caminda sin fin. Ta p'esei El a
cai. A cai dilanti di hende, manera
pidiendo piedad.

Señor Abo si, a lanta for di caida,
Abo a lanta for di morto. Lanta nos
fo'i caida.
Lanta nos for di morto. Tene
piedad !

Dios, tene misericordia !
Di nos pover picador
Mir'Esun cu nan ta mata,
Entregando na su Tata
Su spiritu bandona.

14.
Nos ta adora Bo Cristo
Y nos ta bendishono Bo.
Pasobra Bo a salba mundo
Pa Bo santa Cruz.

Graf Bashi

Tur cos a caba. Asina nan a pensa.
Pero di berdad, tur cos a cuminsa.
Ata e graf di Hesus a keda bashi.
Morto, unda bo victoria ta ! Riba
sero calvario ta reina silencio. No
tin Cruz, no tin burdugunan, no tin
violencia, no tin morto. Tur cos a
caba, nan a pensa. Pero Amor no
ta caba nunca ! Cristo ta biba !
Aleluya!

Señor, lanta nos for di graf di
corupshon. Laga nos sali for di e
glof scur di pica. Hasi nos canta:
Aleluya! Tene piedad!

Dios, tene misericordia !
Di nos pover picador
Ora curpa ta muriendo,
Legra alma, habriendo
Paraiso, gloria.